



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Dispvtatio De Statv In Qvo Sint Beatorvm Animae Post  
Hanc uitam, ante ultimi iudicij diem**

**Dévay Biró, Mátyás**

**[Nürnberg], [1537]**

**VD16 D 1300**

Devs Damnat, Sed Per Verbvm.

**urn:nbn:de:hbz:466:1-34195**

Rom. 11.

1 Cor. 8.

1 Cor. 3. et 5.

Math. 17.

2 Cor. 6.

Acto. 10.

Rom. 5.

1 Cor. 5.

Math. 25. et 46.

Acto. 10.

omnia ex ipso, per ipsum, & in ipso, Ro. 11. Vnus dominus noster Iesus Christus, per quem omnia, & nos per ipsum, 1. Cor. 8. Per quem creata sunt omnia, siue in cœlo, siue in terra, uisibilia & inuisibilia, Colo. 1.

### DEVS SALVAT OMNES, SED PER VERBVM.

**N**on misit Deus filium suū in mundum, ut iudicet mundum, sed ut saluetur mundus per ipsum, Ioan. 3. Hæc est uoluntas patris mei, ut qui uidet filium, & credit in eum habeat uitam æternam. 6. Hic est filius meus, in quo mihi complacuit, ipsum audite, Matth. 17. Omnia ex Deo, qui nos reconciliauit sibi per Christum, & dedit nobis uerbum reconciliationis, quandoquidem erat Deus in ipso reconcilians sibi mundum, non imputans eis peccata eorum. 2. Cor. 6. Verbum misit Deus filii Israël, annuciās nobis pacem per Iesum Christum, hic est omniū dominus, Acto. 10. Pacem habemus ad Deum, per dominum Iesum Christum, Ro. 5.

### DEVS DAMNAT, SED PER VERBVM,

**P**ater omne iudicium dedit filio. Item. potestatem dedit ei, & iudicium facere, quia filius hominis est, Ioan. 5. Ite maledicti in ignem æternum, Matth. 25. Data est mihi omnis potestas in cœlo & in terra, Matth. ultimo. Iudex uiuorum & mortuorum, Acto. 10. Ex his quæ dixi meridiana luce magis sunt perspicua, & si nulla alia esset ratio, præter hanc, contra eos, qui ex sanctis mediatores finixerunt, hæc una sufficiebat. Nam quemadmodum Deus creat, sed per uerbum, ita saluat, sed per idem uerbum. Siquidem utrobiq; eadem

eadem potentia est. Sancti qui & ipsi a Deo sunt creati per uerbum, ita & ipsi saluati per uerbum, ut seipso creare non potuerunt, quanto minus saluare, sed fide in Christum saluati sunt. Credamus & nos in ipsum, haud dubie saluabimur. Deus suum honorem, creando, saluando, damnando, dat nemini. Et Christus suum honorem (nam Pius secundus ad Cæsarem Turcarū scribens illa uerba Esaiæ : Deus iustus et saluans &c. in Christi persona interpretatur) ut quis alio mediatore saluari possit, dat nemini. Lyranus cap. 3. ad Rom. Finis, inquit, correspondet principio, & ideo sicut Iudæi & Gentiles processerūt a Deo, sicut ab uno principio, ita reducuntur ad ipsum sicut ad finem unum, quæ reductio fit per mediatorem Iesum Christum. Creationem non tribuis sanctis, meritis, operibus, & salutem tribuis, utrum maius? Tu uide, sed utrumq; unius Dei opus. Vis ergo Deum colere in spiritu & ueritate? crede eum tuum creatorē & seruatorem esse per Christum, si hoc non credideris, eum damnatorem non poteris non experiri. Augustinus de uerbis Apostoli, sermone 27. Sicut creatore opus habemus, ut essemus, sic saluatore ut reuiuisceremus. Iustus damnauit hominem, misericors Deus liberat hominem. Bernardus de lib. Arb. Quid enim? agnoscis creantis potentiam, salvantis gratiam, & sanantis ignoras iusticiam? De causa peccati, quod scilicet Deus non sit author mali, sed uoluntas in homine & diabolo qua male usi sunt, nō est hic locus dicere. Obiter illud moneo, Deum creasse omnia in laudem & nomen & gloriam suam, Deuter. 26. In creatione, ipsius omnipotentia, misericordia in saluando, iusticia in damnando clarescit. Cur hunc uel illum, damnat uel saluat, ipsius uoluntas regula est iusticie. Permittamus eum operari pro sua uoluntate et libertate, nam abyssum iudiciorum suorum penetrare non possumus.

Hic omnem moueamus lapidem, siquidem prora & puppis salutis nostræ in hoc cōsistit, uidelicet si scimus Deū suο ac proprio cultu honorare. Quid est enim aliud impietas, quam uitium pugnans cum prima tabula? id est, Deo suum non tribuere honorem, non illum timere, illi non fidere, uacare metu, fiducia Dei, non agnoscere eum omnipotentem, misericordem, iustum. Profecto scriptum est: Qui me contemnunt erunt ignobiles. Credamus ergo & toto pectore teneamus Deum creatorem nostrum esse, & saluatorem, creauit per uerbum suum, Iesum Christum, saluat per eundem Iesum Christum nos, qui solidam in eum collocauimus fiduciam, iuxta illud in quo habemus fiduciam & accessum in confidentia per fidē eius, Ephe. 3. quem, qui non agnoscent, damnantur, propter incredulitatem, peccatum. Qui enim non crediderit, condemnabitur. Et sic in gratiam meorum fratrum, de uero honore Ecclesiæ, Christi & Dei, simplicissime, crasse tamen scripsi. Nunc ad reliqua fratris uerba accingor.

## SEXTA VERITAS.

Obserua, Faber et suus Monachus, quae sunt carnis nifices, tortores scripture. **I**Nuocandi sunt sancti dormientes pro intercessoribus, hæc ueritas ex priore consequitur, & tali ratione firmatur: In aula principum amicis intercessoribus utendum est, similiter apud Deū. Simile est regnum cœlorū homini regi &c. Vnus modus orandi & inuocandi sanctos. Exodi 32. Renegare Abraham Isaac seruorum tuorum, Moyses confungit ad dormientes sanctos, uel potius ad Deum sanctis mendicantibus. Psalm. 131. Memento domine Dauid &c. Ecce unum modum orandi, quo inuocantur sancti dormientes. Et ecce similiter exemplum Genesis 48. Angelus qui eripuit me, benedicat pueris istis. Ecce alium modum orandi, exemplum ibidem inuocetur nomen meum &c, quasi præceptū audi

ephes. 3.

epodi. 32.

ps. 131

Genes. 48.